

1899

EUSKAL-ITZ JOSTALDIEN BATZARREA

(Euskal-festen XVIII garren urtea)

AMA ETA SEMECHOA

Ogei ta bost pezetako aldeera eta bitezarra Zumarraga-n irabazitako moldaera

¡Nere aingeru zoragarriya!
¡nere maitecho laztana!
par-irri oyek egiti zazkitzu
zoratu dediyen ama
zori onian sortu zinduben
Jaungoiko onak nigana,
alaitutzero nere barrena.
len penatua zegoana;
otoitz erregu denak ordaintzat
eskeintzen ditut Argana,
¡Nere biyotzen erditik dira
ontzat artu bitza Jauna!

Zu zera lore guziyen lore
oderragorik eztana,
zeruko izar urrozko printzaz
orniturikan zandena,
zu zera argi diadizariya
berdiñikan eztubena;
zu zera nere atsegingarri
ontasunen eskumena (1)
nik zuregatik egingo nuke
esan ezin litekena,
zuregatikan omango nuke
nere odol tanto dena;
zu zera nere poz emalia
magalian zaukatana,
¡esan zaidazu nere Josecho
esan nai zendukeana,
ni naiz amacho, zure itz ona
entzuteko zai nagoena!
¡Ez aldirazu antzik ematen
aingerurik oderrena,
zerala nere errayotako
puskarikan maitiena?
¡Ez aldakizu zuri begira
ezin aspertuz dagoena
dala zuretzat mundu ontako
senda bolarrrik onena?
¡Ez dezu igartzon ezti guriya
bularrikan gozuena
dala nik zuri amoriyoaz
gaur ematen dizutana?
¡Ez dezu igartzon barreuen poza
jostatzen dabilkitana
zuretzat dala, ala berian
arnas-ere daukatana?
Irri parcho bat len bezelase
egiti zazu amagana,
inozentziko begiratua
egitiñik, ¡nere ochana!
masall pocho, marrubiaren
antzeko koloreduna,
ezin esan dan ain baitekua
guriya eta loguna,
zu zera nere laztangarriya
argi bide ta laguna;
zu maitatutzeaz aspor ezinik
igarotzen det eguna,
zu zera nere alengrantziya

(1) Manajo

zu pozez jartzen nazuna
zu zera nere penak kentzalle
zu nere gozotasuna,
zu zera bizi lazagarriya
zu bai maitecho kuthuna,
zu zera biyotz piztugarriya
tristura kentzen dezuna,
¡donsu noria! zu zera emango
nere aberastasuna,
zu zera, nere amoriyua
indartutzen dirazuna,
zu zera nere gozakariya
zu bai nere osasuna,
itz batian, zu zera gozoro
zoraturik naukazuna.

¡Zer, parrez zaudu? ¡ori ederki!
esan zazu bildoeh ona,
zure abotik aspaldi ontan
entzuteko zai nagona,
ea Josecho, esan aguro
miñgaitz puntian daukazuna
nere biyotzan sartu dediyen
betilko zoratasa,
kopetachoa musu gozo bat
ematen dizut, tori... ma...a
eta aurrehoak euskal izkeran
diyo lenbiziko... Am-a

¡Zer da Josecho, esan, zer dezu!
¡zerk zaitu orla tristetzen?
len bezelako alaitasunaz
ez dirazu begiratzen,
zure begiyan lanbrotasuna
bezela zaitu azaltzen,
izerdi otza kopetachora
ari zaitu atoratzen,
mami guriyak badirudite
asi dirala maskaltzen,
¡A! Jesus ona, nere aurrari
zerbait char zayo gertatzen.

¡Zer dezu bada zoragarriya
nondikan dezu sentitzen?
¡ez nazazula naigabiakif
jarri barrena zulatzen!
¡Non dezu pu-pu izar neria
esan zaidazu orainchen,
¡ez dezu ikusten zure amacho
nola daguan emonchen?
¡ez negar egiti orrela bada
alaitu berialaen
titi gozoa emango dizut
aingeru ona zurisen!
¡Ez aldirazu antzik ematen
nolatan nagon sufritzen,
len bezelako far-irriarik
ez detalako entzuten?
¡ez dezu ikusten biyotza penaz

beterik zaitala jartzen,
ta naigabiak gero ta indar
geyago dubela artzen?
¡nolatan zaitu zuri arnasa
len bafian geigo estutzen?
¡zerengatikan etzera bada
len len bezela poztutzen?
¡zerk malko miñak begiyetatik
dikitzu isuri-azten?
¡zergatik bular gozo ederra
nai ozikan dezu uzten?
¡Arantzazuko ama maiten
zuri dizut erregutzen,
biyotz biyotzez zure laguntza
mesedez dizut eskatzen,
ea zoratik zure grazi bat
onera dezun bigaltzen,
nere aingeru kotaru ausen
ote dirazu sondatzen,
¡arren ta arren naigabe denak
oni diyoakatzun kentzen
eta lenago zan bezelako
poztasunera biurtzen.

¡Ama, diyozu? ¡ori ederki!
esan berriro orlasen
zure itz gozo paregabia
entzutez ez naiz aspertzen,
— ¡Zer, orain farrax alaiturikan
dirazu ama esaten?
berri ta berri esan Josecho
obeto entzun dezaten;
nere barrendik naigabe denak
asi dirade aldentzen,
oztakit poza geyegirekiñ
nola ez naizen zoratzen,
¡an gozotasun pare gabia
detan barrenan nabaitzen!
biyotz eriya lertu nayian
len zitaitana arkitzen,
zori onaren indarrarekiñ
asi zait oso lasaitzen.
¡Nolatan ez naiz poztuko, aurre
ikusirikan argitzen
izerdi eta lanbro lengoak
ari bazaizka aldentzen?
¡nolatan ez naiz ni babatuko
neronek badet ikusten
nola dabillon sendaturikan
magalachoan jostatzen?
¡ama titia... ama titia!
¡pozez dirazu eskatzen?
tori maitia, tori maitia,
ausen nuben desiatzen.

Birjiña ama, otoitz guziya
zugana ditut eskeiftzen,
zeruetatik dakizulako
lurrekoari laguntzen.

JOSÉ ARTOLA.

V. Iraola-ren moldizkidan.

228151